

人雖稍先後以詩交相重也明詩飄逸瀟灑激詩深沉鍛鍊各極所長霍文敏韜見明詩曰今李白也唐中丞素慎許可於激詩亟爲稱賞皆散失不傳可惜也

丘鏊字朝洪武進人年十二喪父與弟鏊廬墓三年嘉靖戊子舉於鄉三試禮部不第卽棄去不復應試日坐小亭手一編環堵蕭然家人屢絕粒不問也久之或勸之仕乃謁選得山東寧陽學諭一切饋貽悉辭不受士甚德之已酉順天聘爲分考鄉人有携五百金邀之者鏊叱之且將械之官其人始退年四十九